

OMUKWE TU



40c

No. 6

ISBN 0-620-06828-0


Etaalelopo lyopaumbisofi kegongalo Elombe, olya hulitha negundjilo 20.3.1988, konima yomimvo ntano sho lya li ko ishewe e ta li hulile mevundakano omolweidhopo lyaakwiita ya SA. Oshikando shika omukwathi gwomumbisofi, Matti Amadhila pamwe naakwathi ye, oyo ayeke ya li mo. Omumbisofi okwa li i ipyakidhila nokutsakaneka aayenda yOngeleki ya zile kuSoomi pethimbo ndyoka.

Omumvo ngwiya 1982, etaalelopo olya li mewiliko lyomumbisofi Kleopas Dumeni, pamwe naakwathi ye. Mesiku lyahugunina lyetaalelopo 16.5. manga egongalo alihe li li melongelokalunga, aakwiita ya SA oye ya e taa gongele aalumentu ayehe mongundu yimwe, e taa dhengwa manga aakiintu nayo wo ya gongelwa mongundu onkwawo.

Onkambadhala yomumbisofi okushunitha aakwiita mboka ya ye kokule nelongelokalunga, oya li osima yowala. Peha lyasho okwa shunithilwa ashike omatukano nomalaka

Tala kep. 4

UUPYAKADHI METALELEPO LYOMUMBI-SOFI MELOMBE INAU ENDULULWA WE



Ekonakono lyedhiginino lyoshinyangagongalo oli li mpaka metifa. Ya thikama konima omusita gwegongalo P.Uugulu naamushanga moshinyanga, omusamane Ndeulyatele taa tala aayenda nkene taa konakona omambo.

EKUNDO KONGELEKI LYA ZI KOMU-THIGAPO

Egongalo eholike, "Jesus Kristus oye Omuwa." Oye Omuwa gwomwenyo neso. Oye Omuwa gwaanamwenyo nogwaasi. Egongalo lyaKristus, ngaka ogo naanaa omathimbo omadhigu ga tumbulwa moohapu dhaKalunga taga adha ooitaali yaKristus.

Oshiningwanima sheti 19.2.1988 shomombaanga yaShakati shoka shaa faalele omuholike gwandje Ndamono nosho wo aaholike yetweni oyendji, onde shi tala kutya osho epopitho, elongo nelondodho kooitaali yOngeleki nokaakwashigwana yetu. Ongeleki noshigwana oya tsakanekwa koonkondo dhomutondi oonene.

Oonkondo dha tya ngeyi, odha longo iihuna mevi ndika. Ihe odha pendutha wo uukumwe woitaali oku mu kondjitha. Onda tompelwa kutya ne omwa kala megalikano unene molwetu mboka twa adhika koshikogo sheso ndika.

Inandi puka ngele te ti; omwa kala nokudhildhila ndje. Shika onde shi koneke sho inandi adhika nando kepiyagano, nonando omethi-



Omutonatelishitayingeleki shUuninginino, Josaphat Shanghala.

mbo lyuululu weso.

Aamwatate, oshiponga shika osha pendutha omadhiladhilo goyendji. Yamwe oya tala osho ngaa elandulathano lyaKalunga. Yamwe ya tumbula: "Ndjika ondhimbo onene ya dhengwa oshilongo shetu, opo shi galukile kuKalunga."

Yamwe oya tala sha ningwa opo kegulu ku thike omahodhi ogendji, ooitaali opo tu mone emanguluko lyoshilongo shetu. Omatumbulo agehe ngaka ogo ngaa omaipulo getu ga etwa kegongamwele ndyoka lya ulula omitima dhetweni.

Ohapu yaKalunga otayi ti: Nedhina lyandje omu na okulihumbatela uudhigu owindji. Tse nangoye otse iiyuma yokuhumbatela edhina lyaKristus. Oshilonga shika shuutondwe na shi galikanenwe shaa yonagulepo ohole yaKalunga mutse.

Aamwatate, oonkondo dhomutondi ndhoka tadhilongo iihuna mevi ndika, kadhi vule oonkondo dhohole yaKalunga ndjoka e tu hole nayo. Ohole yaKristus ndjoka e yi tilile mutse

Tala kep. 9

Uukakunya momoho goshigwana

Omadhiladhilo nkene uukakunya u na okutalwa moshigwana shaNamibia, oga kala nokuli ethimbo ele moshifo shika. Yamwe oyu uvite nokuli ngashingeyi kutya pamwe oshihwepo ngele oompata dholudhi ndoka tadhi hulithwa po koshifo shetu. Osha yela oshigwana osha tseye ngashingeyi nkene uukakunya tau talwa koshigwana shika.

Oshigwana osha yeelwa wo nkene omakukunya taga dhiladhila oshigwana. Omakakunya nago oga tseye wo nkene oshigwana tashi ga dhiladhila. Otashi vulika nando omadhiladhilo ge etwa puuyelee ngeyi, koombinga adhihe, aantu yamweyamwe ashike taa ilongo mo sha.

Oshikaha shomuthiminiki oshi li komutse gwoshigwana shika notashi longekidha natango oompangela oompe okuvulikitha ombepo yomukwashigwana kehe okutaamba ko nokugwanenwa kushono ashike shi li po.

Uukakunya nelangeko lyawo miilonga komuthiminiki, okatopolwa kamwekamwe akeke komomashina ngoka ga longekidhilwa po nelalakano lyokudhika oonyala mevi muukoloni. Omukwetu okwa thiminikwa natango mpaka okutumbula iitsa yimwe kuu-kakunya nokuukwiita, ngaashi twe shi ningile nale.

Omukwiita kashi shi ashike okuhumbata ondjembo nokuzala omizalo dhiikwiita. Omukwiita ota yalulilwa mongundu yuukwiita, uuna a hiywa koshigwana she nokepangelo lye a gamene oshilongo she komuthiminiki gwasho. Omukwiita oye omupika gwoshigwana she nogwehalo lyasho.

Munamibia kamu na epangelo lyopashigwana, onkene kamu na wo aakwiita yopashigwana. Omu na owala aakwiita ya SA nomakakunya. Aakwiita ya SA otaa longele SA, omakakunya nago otaga longele wo SA. Ayehe yaali oyo aatondi yaNamibia.

Kaku na ano omukwiita ta popile oshilongo she nenge ta kondjele oshigwana she e li mesiloshimpwiyu lyomuthiminiki gwasho. Kaku na wo muuyuni auhe omuthiminiki egoya a taambe miilonga ye mboka a kolonyeka nenge a hala okupangela note ya thiminikile ehala lye lyuupika ngele ina yeelwa tango kutya aathiminikwa mboka oya taamba okonda (yi igandja).

Omukwiita ngoka ta kondjo a adhe

uuwanawa we mwene nenge wezimo lye, ngaashi sha holoka momapatahano gomoshifo shika, pamulandu guukwiita haye e na okwiithanwa omukwiita, oshoka uumwene nuukwezimo otau mu thiminike a game kombinga kehe ndjoka ta adha shono a pumbwa, nayi kale ombinga yomutondi gwe nenge omuthiminiki gwe.

Epulo lyomukwiita niilonga ye mekwatathano nOngeleki mevi ndika, oshinima osha kitakana mpaka, okuyeleka nomavi omakwawo ngoka ga mona emanguluko. Namibia evi li li natango muukoloni wa S. Afrika. Aantu mboka taa kuthwa ku SA note ya tula muukwiita we, oyo iihakanwa noomwahe ndhoka SA a likola mek ndjo lye mpaka.

Osha kala shi li mondjila okuza petameko lela kutya iihakanwa mbyoka oya lukwa omakukunya, haakwiita. Oshoka miilonga mbyoka ye li mo, kayi lile po ehala lyoshigwana nuuwanawa washo oku shi kwatha okuza methiminiko lyomutondi. Nongele edhina ndyoka olya vulitha, otau pu vulu okukongwa edhina ekwawo ihe hamukwiita nando.

Aantu ya kutwa miilonga ku SA pamukalo nguka, kaye shi ashike iihakanwa ye ihe oyo wo aayoni kehalo lyoshigwana shawo noyi ilongela egeelo ngele inaa itedhulula. Ewiliko lyOngeleki moka ya shashelwa mo, nalyo wo olya pangula SA okulela evi ndika nolya pangula etulo muukakunya wopamukalo nguka.

Onkene kape na eitango komakakunya nenge okaakwazimo yawo okwiitangela uukakunya nuukwanegongalo wOngeleki ndjoka ya pangula noonkondo iilonga yawo noyepangelo lyawo.

Oshigwana, okuholola omadhiladhilo goye memanguluko ngaashi mwa kala tamu shi ningi moshifo shika, oshinima oshiwanaawalela. Ihe dhimbulukweni, kutya etegameno lyelundulu lye-pangelo ndyoka mwa kanitha, osho lya kala lya kanithwa wo kumboka ngashingeyi hatu ti oye li miilonga ya manguluka.

Iilonga yawo noohapu dhawo otaye dhi si ngashingeyi ohoni, kofi yepangelo ndyoka ya li inaa tegelela we moku-kalamwenyo kwawo. Ne inamu endulula we epuko ndyoka.

ONAKUYIWA YOSHILONGO SHETU OTAYI KA KALA NGIINI KOMEHO

Kombinga yonakuyiwa yoshilongo shetu ondi wete itayi ka kala yi li nawa, molwaashoka oyendji yomoshilongo shetu oya pwila unene mokunwa iikolitha, unene tuu aagundjuka. Aagundjuka ngashingeyi itaa vulu we iilonga, megumbo ohaa meneka mo owala ongula taa yi kuundingosho.

Uuna Namibia tali manguluka kandi shi wo tuu ngele otatu ka vula iilonga, tashi nyenge ngashingeyi. Ngele okwa li hatu dhiladhila andola itatu nu, tu kale tu na elongelokumwe, tu konge onduge (opulana) nkene tu na okumanguluka kiikolitha.

Moshilongo shetu aantu kaye na elongelokumwe andola evi lyetu olya mona nale emanguluko. Okwaatsa kumwe kwetu aakwashigwana okwo owala endangalati enene mondjila yemanguluko.

Onakuyiwa yoshilongo shetu inayi tegelelwa yi kale yaantu inaa putuka, taa nu aawe, oya pumbwa aantu ya putuka ye na ombili nelongelokumwe.

E.P.Uusiku
na V.N.Kambonde
Oshigambo High School

EEMBWALE TADI KUNDAFANA

Omafuna manene oha dimi
Omalume hae li nyika komilungu
Eembwale hadi kundafana ounyuni eshi u li
Eshi u li paife naashi tau ka kala komesho
Ku popiwe shonale noshopaife
Ku kundafanenwe polupale hapondingosho
Ku yandjwe omayelee taa tungu.

Naku ifanwe Hamupanda waShiponeni
Ko naku lombwelwe Shigwedha shaHango
NaNandjebomengela elenga lomEfululula
Neima lomaendjelelo lomamukupa Ndjukuma
Haufiku waKasheeta naye na ifanwe
Andili yUkule na etelele Shilapeka
Onghuti yaKamushimba oyo tete mu pendula.

Ovo ve shii oku di popya nawa
Ve shii oku di tula peenhele
Ve shii eenghedi doshilongo
Ve shii okulela hava denge tava fudile po
Ve shii okutekula ovanhu va nyengana
Ve tu dengela olonga nove tu tekula
Ve tu tekula noshimwati ndee nomaadi.

Haikwata, Hainyangula
OoNandjebo kave po vali apa
OoHamupanda va ka likola eemheke
OoShigwedha shaHango va twala ko oimbale
OoNdjukuma va ka endekz omauluvi
OoShivute shaNdjongo va ka shaama nowishi
OoKaluvi nooKatamba va ya kounyuni umwe.

Wamalwa, waikuma
Ovakulunhu va ka ta ondjaba youfiku
OoKauluma nooHashiyana ova dimbuka
OoShileka nooShekudja ova ka nangala
OoKasita nooKaimbi ve tu hauluka
OoNampala waMomo ove tu tovifa
Va ka shikula ooNambala nooMwaala.

Mukwetu wange waNanghali,
OoKamhulu va ya nomayelee avo
OoNamukwayu va ya nouteku wavo
OoMhani yaKandoshe va ya nokupandakana
OoFikameni yilipumbu va ya nomakeko avo
OoAmakali glindongo va ya neeng'ono davo
Ou Shingunguma, okwa ya noshongela.

Oshitunda sha pewa nee Shidengeni
Oshilongo sha ninga shaHaulamba
Onghufa ihai yavala tapa pu,
Haidenge yo tai xwike
Yo tai twala kOnakupila
Yo tai ti: "Nashi ninge omaputu!"
"Walye ame haame" olo edina laye.

J.P.Nghatanga
A.L.Nghifikua



Ehepu lomwashe moshiponga shoboma

Omwenyo wange hambelela Omwene, naashishe shi li meni lange, edina laye liyapuki. Ohandi tumbula ngaha, Kalunga kange eshi a xupifa nge efiku eshi la li 19.2.88. Onda li ndi na elalakano opo ndi ka pite pofikola oyo haku tiwa EPS School, pOngwediva, oku ka talelapo ovalongi novanafikola, osheshi pofikola opo ondi li po oshilyo shEpashukilonongelo nondi li omunashipundi wEpashukilonongelo laapo.

Onda li nda diladila ndi ka konge manga oshimaliwa kOmbaanga, opo mOlomakaya tu ka tukulilafane oluhodi noku ka findikila nakudala wa tate Gerson Shipwata kOmbalanhu. Ohandi tumbula outumbulo vanini, osheshi ondi li ngaa mombete youyahame, nde nande ongaho, Kalunga ota hambelelwa, ondi na omwenyo.

Efiku limwe ovana vaKalunga ova li tava ongala meulu nova li tava kundafana oinima yopau-Kalunga, satana naye opo a li. Kalunga okwe mu pula ta ti, oto di peni? Okwe mu nyamukula ta ti: Ohandi di kokunyanga kombada yedu. Okwe mu pula omunhu waye Job omuyuki ou mu shii? Satana okwa nyamukula ta ti, osheshi ashike we mu pa ouyamba ke fi omuyuki.

Ngeenge owe mu pe nge, ote ku liteeka po. Kalunga okwa ti; ino kuma omwenyo waye. Osho ngaha Satana e u ya. Efiku ovana vaJob ova li tava tyapula oshivilo shavo, shiimba moshaala omo va li tava li oikulya yavo notava danauka.

Satana okwa umbila mo omundilo novana vaJob ova halakanenamo. Osho yo tuu natango okwa kuma keliko laJob koishitwa oyo kwa li a pewa oimuna, nde te i xulike po nolutu laye te li tumine oitumbuka. Ookaume kaJob nomukulukadi waye ove mu pula tava ti; menhu ove, owe lineekela ngoo Kalunga to hepa ngoo ngaho?

Job okwa ti ashike oye e i pele nge. Medimo lameme onda dile mo hamungaho nongeenge te i kufa nge, okehalo laye. Naapa ondi li po handi likolele kondaka ei ya tonga Job eshi ina tila

eenghono daSatana nokuitavela omahongololo ookaume kaye. Naame yo apa mombete youyehame itandi itavele nande nande omahongo ookaume kange ovo ve na omahongo e he fi omuKristus Jesus.


Eshi nde uya apa okudja moshiponga shinya, onda hekelekwa komundohotola oo a yakula nge tete. Nomutivali osetela omukulunhu ova hekeleka nge, osho yo oikando ei aische ya landula ko, fiyo okunena ohandi hekelekwa.

Vakwetu venya va kanena moshiponga shinya ohandi va valulile, kutya Kalunga okwe va tambula nove li mekolo laAbraham notava hekelekwa. Omwene oye ou omuxupifi wange, oye omwaameni wange keshe apa ndi li po, omeke laye ashike handi liyukifa.

Onda hala yo okuladipalifa ovashitwa vakwetu vomefimbo eli. Ovashitwa vakwetu vomefimbo eli nye, Satana osho ha longo osho, ndee nande ta longo ngaho, ke na eenghono nande okuha-naune olutu, nande oku dule ko omudjalo oo Kalunga e u tu pa, nande oku diladile kutya ote tu pe omwashe e tu mwasheke okomwenyo ile okolutu, ke na eenghono.

Ame ou ndi li apa okwa diladila kutya okwa mwasheka nge, okwa pa nge edidiliko, opo a tye ame omunhu waye keshe apa handi ende. Ame ondi na nale edidiliko nde li pewa efiku nda shashwa, olo nda tambula moshipala shange noponhulo yange.

Kaume yo omwiitaveli omukriste, omuvaekwa waKristus, ou na oshilimbo, edidiliko olo wa pewa efiku wa shashwa, li li poshipala shoye noponhulo yoye, nokutya twa kulilwa kuKristus ake.



Aanegumbo lyatate Haifidi oyi ile oku mu talela po

Nda li omukani, wa li omukani, ndele Jesus tuu oo a endjelela pokati keulu nedu e tu fila. Ine tu kulila neengobe ile noilanda, ndele nee onohonde yaye iyapuki idjuu nokuyahamekwa nokufya ku he na etimba, tu ninge ovanhu vaye, tu mu longele, tu mu kalele mouyuki nomelao laalushe, nde ta pangele alushe fiyo alushe, fiyo yee ote uya e tu ile e tu hange twa tonata tu li oupafi, tu ha hongololwe koinima younyuni.

Omahalo omounyuni opo e li, omamakelo omasheko opo e li, omavikaviko omomesho oinima iwa tai vilima nawa u puke mondjila yaKalunga.

Omushitwa mukwetu, u li apa naapenya kombada yedu, dimbulukwa eshito laKalunga, dimbulukwa penya eshi ta ti: "Osho Kalunga kwa li e hole unyuni okwa yandja Omona waye ewifa, opo keshe ou te mu itavele, a ha kane, ndele a mone omwenyo waalushe."

Fye naave ofye hatu lombwelwa ngaha. Ngeenge otwe mu itavele ohatu mono omwenyo waalushe. Eshi taku ti Kalunga a kale e hole unyuni haengala, haixwa kamiti ndelenee omunhu tuu. Omunhu oye unyuni, osheshi owa koneka eumbo ngeenge la li omunhu ndee ta fi mo, ohaku tiwa oshuumbo ndele ngeenge inali nangalwa, ohaku tiwa eputu.

Mounyuni ove eshi u li mo ohaku ti ove unyuni. Ofyeni unyuni eshi e tu tula kedu oku tu li longe, tu li kelele fiyo ote uya e tu ile, osheshi ota ti: Ileni kwaame amushe hamu longo nomwa lolokifwa, aame ohandi mu pe etulumuko.


Kaume kange otu li apa ohatu longo notu li mefimbo lokulolokifwa nokuli paife, ndelenee tu li koleloleni. Tu yeni kuJesus noilonga yetu tu li ngaashi tu li, oye ote tu pe etulumuko.

Oye omuyambididi nomukoleki nomukoshi nomuwapaleki waaishe. Ashishe eshi tashi tapateke olutu, itashi ti sha, onda tala kutya

Tala kep. 9



Omusamane Eneas Haifidi ngoka ta lala natango mombete yuuwehame wiilalo yomulilo gwoboma yoombaanga yaShakati



Ekuma lyongeleka ndyoka lya tegelela ashike okutsilikwa iikonde. Etungo oli li kumwe noshinyanga shegongalo.

omakukutu: "Osho twa lombwelwa kepangelo lyOwambo."

Eyeme lyOngeleki komaihumbato ga tya ngeyi gaakwiita koshilonga shOngeleki, omumbisofi okwa li e ga thikitha komukuluntu gwomata-nga agehe gaakwiita moshitopolwa shOwambo, nguka nokwe mu uvanekele kutya itashi ka endululwa we.

"Kaku na edhina lyegongalo mOngeleki yetu lya tseyika nawa muuyuni lya fa egongalo lyeni, omolwomahepeko ngoka ge mu tsakanekete pethimbo lyetalelopo ndiyaka," osho omukwathi gwomumbisofi Amadhila a popitha ongundu onene yaanashilonga yegongalo ndyoka noku ya tsa omukumo.

Pamwe naye metalelopo lyonuumvo, Amadhila okwa li nomutonatelishitayingeleki shOndonga, omusita Petrus Shipena; omutaleli Hans D.Namuhuja oshilyo shElelongeleki; omusita Halolye Nashihanga; omusita Tomas Ihuhwa nomusita Sebulon Ekandjo.

Pantseyo yaakuluntu yamwe momukunda ngoka Elombe, hoka kwa za edhina lyegongalo, omukunda ogwa tseyika unene pethimbo lyaNehale yaMpingana nogwa lelwa komusamane Amutenya gwaMafuma. Edhina Elombe, elugo enene, olya lukwa edhiya moka mwa kala omithima dhomeya omalulu

EHUNGANEKO LYA GWANITHWA METHIMBO LYUUKULUPE

Okahokololo oka fupipikwa owina

Okahokololo haha oke na sha nomuzalo gwa Tatekulu Shikongo, omutokele ngo, omuzalo ogwopausita ngaa, ihe ine gu pewa kongeleki. Okwe gu landelwa owina koyana yopambepo, aathikamenwa yawo. Omumvo nguno gwa hulu ohela, 1987 ohaluka ta lombwelwa koyana mbo yaali taa ti: "Tate otwa hala tu ku landele ondjatha, eguwo etokele. Inda koshihondjelo kOniipa, u ka metwe.

Otse tatu gu ku landele ko. Tatekulu Shikongo osho a ningi. Konima yelalathimbo, okwa etelwa moshinyanga oshipakete. A tale mo, o, omu na eguwo etokele (ndyo a zala ndyo.) Okuza tuu mpoka, tatekulu Shikongo okwa kala ti ipula nehokololo lya ningilwe omumvo a valwa, ano omumvo 1917.

nomatoye.

Etumo lyaSoomi ndyoka lya li noshimpwiyu oshinene shokwaandjaganeka elongo moshigwana shika, manga tali longo mOnayena olya



Aakwanegongalo otaa laleke aayenda ya shune nombili. Kolumoho oto mono omusita M.Amadhila nokolulyo omutonatelishitayingeleki P.Shipena.

Ehokolo olya tile ngeyi:

Tatekulu Shikongo okwa valwa poomwedhi dhothinge. Okwa valwa oongombe dha pita, kokutya oshikwekwe nenge oshilithilila. Okwa lukilwe edhina lyopomboga Ulofu. Edhina kehe oli na sho tali ti. NaUlofu otali ti ngaa omunona omumati a valwa iimuna ya pita.

Maandjawa omwa li nee ondambo yuudhano, yi li keelo lyegumbo. Aantu oko haa mbombo-lokele ngele ya li uulalelo, unene tuu aagundjuka. Mondambo mono omwe ya oshimbo. Oshitewo inaashi kala mo nale. Otashi ti nee:

Tala kep. 6

dhike mo etsali lyosikola pomimvo 1930's. Omulongi Ananias Uukunde, nakusa ngashingeyi, oye kwa li a tumwa ko okulonga osikola.

Konima yeso lye, okwa landula omulongi Naf-tali Silvanus Nehale, ngoka e li ngashingeyi moshipundi shevululuko. Nguka okwa tumwa ko omumvo 1940 sho a piti moseminali. "Onda adhele po aantu aashonalela pethimbo ndiyaka," osho omusamane Naftali a hokolola pOmukwetu.

Omumvo 1974, Elelongeleki olya dhike osinagoga ndjoka yi ninge egongalo, moka mwa langekwa omusita Markus Amushila. Omusamane Amushila okwa kala ta yakula egongalo ndika ta zi kOnayena, ine li kuutumbila.

Omumvo 1985, Elelongeleki olya langeke omusita omugundjukalela mElombe, Petrus Uugulu, okuza kOmuntele, noye ta tsikile natango niilonga yekokolo lyegongalo ndyoka epe.

Egongalo ndyoka olimwe lyomomagongalo ga ELCIN ngoka ge li pomutima gwomainyengo gaakwiita ya SA noya SWAPO, onkene iilyo yalyo oya makela uululu owindji wiita yo-

shilongo shika. "Onawa sho mwe ya mu tu koleke ishewe," osho iilyo yegongalo ndyoka ya kala tayi hempulula paayenda ethimbo nethimbo. Etalelopo olya tamekele 18.3.

Egongalo egundjukalela, ihe olya koka miilonga nomiinakugwanithwa yalyo. Oli na nale egumbo lyegongalo moka tali langeke omusita gwalyo. Ngashingeyi oli ipyakidhila netungo lyongeleka notali dhiladhila natango okudhika Okaklinika kekwahto lyotango lyopaunamiti.

Sebulon Ekandjo

Otashi ti ngiini?

Nandi kwathwe ndi yeliithilwe elombwelo hali kala mOmukwetu li li ngeyi, "Landela hano eshiivifo loye onhele mOmukwetu". Kandi uwite ko kutya tashi ti ngiini?

EYAMUKULO

Ngele ou na shoka wa hala okutseyithila omuntu kehe moshigwana shopaumwene ngaashi okungeshefa nenge okutaamba aalongwa posikola yoye noshu tuu, osho shoka twa dhiladhila.

Amushanga guOmukwetu

KONGELEKA NATU YE NOMIZALO DHINI?

Epulo ndika olyu ukilila aakiintu moshigwana shika. Otandi pula kombinga yoohema ndhika hadhi ithanwa omamini, odhoopala tuu shili okuya kongeleka nenge inadhi opala? Pii ndje eyamukulo, oshoka ondi wete dhi ipa mongeleka.

Uuna ndi wete omuntu e yi zala ta yi komambo, onda fa ndi wete u uka kondanisa nosho tuu...

Te ti, shoka haku tiwa omoode, ihe aakiintu oyo owala haa lundulula omizalo, ano kaku na omoode yaalumentu nenge oko nga yi li?

S.Nangula Kiinda

ONAMUNGUNDO, Ondonga: Oshilongo shOndonga oshiwike sha yi osha tameke neopaleko lyompile yegumbo lyuuwa ndyoka lya hwamene omulilo 13.3.1988 pokati komutenya. Sigo onena inaku monika uuyeleele wosheeti shomulilo ngoka gwa li gu li pokulatha po egumbo alihe.

Omalenga agehe omanene omugoyi goshilongo shOndonga, oga li ga ningi omutumba gwowina okukundathana shono shi shi okuningwa po, uuwa woshilongo shono u thikame ishewe. Pamulombo gu shi okwiinekelwa, omutumba gwomalenga ogwa kalwa wo kaanangeshefa yamwe, kaalongi nokaantu yalwe yoshilongo.

Omutumba ngoka gwa li mewiliko lyomunashipundi omusamane Pieter Kauluma ogwa tokola aalumentu ayehe yoshilongo ya ye mokuti ya ka ke omiiti. Aakulukadhi yoshilongo, unene yomikunda dhuushiinda wuuwa, ya tameke okuthitha omutoko, manga inaagu yukilwa mepya. Iilonga mbyoka oya tamekele 21.3.1988.

Ethitho lyomutoko, pamulandu gwoshilongo

Ombala yomukwaniilwa gwaNdonga, oyi li ngashingeyi momutoko



Omukwaniilwa otu ulike mpoka pwa tameke omulilo gwegumbo lye.

ohali ningwa nonkoto, kutya opo pwa ekelwehi mumwe nomaliko goshilongo ga simana ngoka hashi vulika ga hupile momulilo.

Okwi indilwa wo aalumentu ya tameke okutunga oondunda dhegumbo naangoka e na omwidhi e shi holole kaawiliki yiilonga, opo gu gongelwe ko koombinga noombinga. Omathaneke agehe getameko lyiilonga, oga li ga taambwa ko nenyanyu koshigwana. Omukwaniilwa mwene gwoshilongo Immanuel Kauluma Elifas, naye omo a li momutumba ngoka okupulakena owala aantu ye nkene taa

uvathana iilonga yawo.

Pethimbo lyomutumba ngoka, omukwaniilwa-okwa pandula aantu ye, konkambadhala yawo onene yokuhupitha shono ya vulu okuhupitha momulilo ngoka gwa li omunene gwa kwata momiti dha kola. Okwa hambelele wo Kalunga sho inaamu monena nando omuntu oshiponga.

Omasiku ngoka, aantu yoshilongo oya kala taa kongoloka koombinga noombinga dhoshilongo nokuza nokuli kiilongo yilwe, okupendulila po omukwaniilwa moshiponga shono she ya adha.

Sebulon Ekandjo

Aatungi yopambepo megongalo egundjuka, mElombe



Omulongi Tatekulu Naftali Nehale, omutiyali okulonga mehala ndyoka lyaLombe.



Ewilikongundu ndika lyoshilonga mokati kaakiintu megongalo ndyoka.

Etegameno lyaNdateelela lya tungwa ishewe kekwatho lyuunamiti

ELOMBE, Ondonga: Omukulukadhi Ndateelela Kapunda, okwa hokolola omasiku ngaka kutya ngashingeyi okwa aluka koshilalo shehaluko shono a adhikile a mono, she mu zilile mokamwanamati e ka mono moshipangelo shaNandjokwe, kaa na ombululu yokupiithila onyata yomela.



Meme Lineekela nokamwana Kaufiwetu.

Okamati Kaufiwetu Lineekela yaFilippus, ngashingeyi oku na omweedhi heyali, sho yina Ndateelela e ka eta mokanyothi 7.7.1987, moshipangelo shOngeleki mOnandjokwe.

Eopaleko metompakano lyeshito lyokamati Kaufiwetu, inali thika natango pehulilo, ihe yina Ndateelela okwa hokolola pOmukwetu, kutya ngashingeyi oku na etegameno lya kola, shi vule nale, okamati ke ka kale neshito lyi ihwa po.

"Onda monene oupyakadi inandi u mona shito melihumbato lounona vange eshi nda teelela Kaufiwetu. Mboli osheeshi shiimba ina wana po meshito," osho yina yokaana Ndateelela a tumbula uudhigu a kala nawo pOmukwetu.

Okwa ti kutya okanona ngele ka tsakanitha omumvo gumwe, ote ke ka shuna koshipangelo shaShakati hoka a ningile aniwa iwiike itatu, okulongekidhilwa ekwatho lyopakathimbo. Ngashingeyi Kaufiwetu ota longitha ombululu yopakathimbo, ya tsuwa mombwetelo ndjoka tayi longo kekwatho lyokampunda konailona.

"Inandi mona nande oudjuu washa nokamwange eshi da deulilwa okulongifa oshako oyo," osho yina a fatulula ekwatho ndyoka ye li pewa kuunamiti.

Meme Ndateelela omudiakoni pashilonga-ithano she. Oshilonga okwe shi yambekelwa

kOngeleki 1979 sho a sikola mEngela, e ta longo omvula yimwe mOshitayi. Omumvo 1981 okwa langekwa kElelongeleki megongalo Elombe, moka e li sigo onena.

Pethimbo lyetalelopo lyomumbisofi megongalo lyawo muMaalitsa nuumvo, aakwanegongalo ndyoka oya hempulula montaneho yaatalelipo, kutya omudiakoni gwawo okwa dhiginina nawa iilonga ye momagumbo gegongalo. Egongalo ndyoka oli na ngashingeyi iilyo 5,916 payalulo lyomumvo 1987.

Sebulon Ekandjo

EHUNGANEKO LYA ULUFU

Dha za kep. 4

"Kaku na ondholo ontokele, mbindja yi fe yaUlofu waShikongo." Oshi imbwa pamwe niikwawo esiku kehe.

Tatekulu Shikongo sho a ningi oondunge, okwa tseyithilwa kaamwayina ehokololo ndyo. Tatekulu Shikongo okwa kala nee hi ipula noshitewohokololo sho. Sho a ningi omusita ohi ipula ta ti; uukunde nothingo mbuno pamwe ogo omahunganeko ga li haga popiwa sho opo nda valwa?

Ngoka ogo ga kala omaipulo oomvula noomvula. Omumvo nguno gwa hulu ohela (1987) sho a tseyithilwa koyana kutya otaye ke mu landela eguwo lye etokele, naampoka omaipulo ge goomvula noomvula ga pewa eyamukulo.

Shika oshe mu fala wo mokudhiladhila eimbilo 131, ovelise ontiyali. Eimbilo ndika olyomomaimbilo ngoka taga popi Esiku lyaayapuki. Aayapuki ayehe kombanda yevi alihe, otaa ka zalekwa omizalo dhowina dha tya ngaaka.

Aathikamenwa yawo oya li 25. Gwotango oye Ester Kamanya, onkelo oye Aluhe Dhiginina Simon Hango. Oolye nee ye mu landele omuzalo nguno? Omuti 10 nomuti 11.

Tangi

Osoondaha yeti 6.3.1988 omo ombelewangeleki ya li ya ningile omusamane Shikongo oshituthi shokuya moshipundi shevululuko. Omusita Absalom Hasheela nomutonatelishitayingeleki Petrus Shipena oyo ya li moshituthi shoka.

Egongalo lyaMuntele kombinga yalyo, olya li lya gandja nale olupandu lwalyo komuyakuli gwalyo Shikongo momimvo odhindji dha zi ko.

Ileni tu lesheni Omukwetu

Ohandi mu hiya mu ye tu lesheni Omukwetu, oshifo shongeleki shoka hashi leshwa kilyo oyindji. Ngame otandi mu hiya ileni tu lesheni.

Pamwe owa hala okuuya oshike sha hokitha ndje okulesha Omukwetu nashike tashi ku hiyitha ndje tu leshe? Ngame mukweni ondi ilongo okulesha Omukwetu manga ndi na oomvula 15, manga ha pula 10c komumvo.

Tate okwa li omuleshi gwOmukwetu, oko ndi ilongela. Sho a koko ondi ikwateleko ihe ngame mwene. Ndi ku lombwele sho sha hokitha ndje okulesha Omukwetu, osho otekati. Otandi hiya kaavithi mu tule omavitho mOmukwetu. Omauvitho gomOmukwetu oga simana ihaga kulupa.

Okuza komambo, kutha Ombimbeli yoye pamwe mOmukwetu, kuutumba peha we li hogolola megumbo opo u uvithilwe komuntu washe mu lwete moshipala. Oonkundana oombwanawa otadhi adhika wo mOmukwetu, ihe oohapu dhaKalunga dhingi kwaayithe.

Oshigwana hashi lesha oshi na elago noshi na omwenyo omolwoohapu dhaKalunga. Ileni tu lesheni Omukwetu.

Mateus Gabriel



Omusita Tatekulu Juuso Shikongo. Ethano olya thanekwa esiku a ningilwa oshituthi kegongalo lyawo Omuntele.

RUACANA: Aakali yomomukunda Okamboola, moongamba dhegongalo lyaRuacana, muuninginino wOwambo, oya hokolola pOmukwetu nehakulo enene lela, kutya etanga lyegameno olya kala tali ya ulukile omudhimba gwoshikulo, nokonima oya gwayekwa ombinzi yasho miipala. Omukwetu ina mona ekoleko kombinga yetanga lyegameno mehokololo ndyoka.

Pauyelele wa gandjwa kaakalimo, oshiningwanima shoka osheti 24.2.1988, uuna ekasipeli kwa tiwa olye ende nomagumbo gomomukunda ngoka Okamboola. Kekaspeli okwa li kwa managelwa omudhimba gwomukwiita gwaSWAPO, ngoka aatali ya ti ogwa li gwa nyanyagulwa omutse.

Pegumbo kehe ye ya po, ehokololo otali ti Omutiligane nAaluudhe ohaa gongele aantu, e taa kwata gumwe nagumwe kekothi nokumvumva oshipala mombinzi yoshikulo.

Omusamane Labanus Ipinge Amukoshi (66) ngashingeyi ethimbo alihe ota lili uuwehame wokugulu nosho aniwa ota tsilwa meni, okuza momahepeko ngoka. Aashiinda yomukulupe Amukoshi oye shi koleke pOmukwetu nokutya Amukoshi okwa dhengelwe esiku ndyoka unene e vule aantu oyendji.

Pahokololo lye mwene, omukulupe ota ti, omakaspeli oga thikile tango pegumbo lye ethimbo lyongula, moka ge mu adha naayenda oosuwala ye, ya zile kOshakati.

Okwa thiminikwa a zimine aniwa oshikombo shono a dhipagela aayenda ye, kutya okwa telekela iikulo. Pokati komutenya omakaspeli oga ka galuka nomudhimba gwa mangelwa komatayela.

Omutiligane okwa kutha ondhimbo e ta dhengitha omukulupe Amukoshi sigo ya teka. Oya longitha natango omunino gwomeya okudhengitha omusamane manga inaa ye mu mvumva oshipala she mombinzi. Omukulukadhi gwe Viktoria Viktor, okwa ti naye osho a ningilwa shoka.

MOkamboola ya mvumvwa iipala mombinzi yomuntu



Omukulupe Labanus Amukoshi ngoka twa adha ta lili natango uuwehame womahepeko. Ota ti okwa dhengithwa omunino gwomeya nondhimbo sigo ya teka.

Omusamane Amukoshi okuza momadhengo sigo onena ota ti ina mona epango lyopaunamiti. Oya kala owala taa tumbathana nomukadhi.

“Tse otwa adhikile mo oyendji esiku ndyoka megumbo, omakaspeli sho ga galuka nomudhimba. Aashiinda yetu oyi ile tu uhale,” osho omukulukadhi Kondjeni Shikoyeni (55) a hokolola pOmukwetu.

Meme Kondjeni omukadha David Kamanya ngoka inaa adhika po megumbo pethimbo lyoshikulo tashi ulukilwa omagumbo.



“Onda mono iinima inaandi yi mona nale nkene nda valwa yomuntu ta yogwa moombinzi dhomuntu,” osho kuku Loini Amutenya (65) mOkamboola a hokolola pOmukwetu.

Omukulukadhi Kondjeni okwa tsikile nehokololo lye ta ti, opo ye li po, omakaspeli ogu uluka ko.

Limwe oli na omudhimba gwa mangelwa ketayela. Aantu ayehe ya adhikile megumbo oya gongelwa nokonima yokudhengwa, kehe gumwe okwa kwatwa kekothi nokumvumvwa oshipala mombinzi.

Konima yomasiku omashona gomahepeko ngoka, omukunda otagu hokolola, kutya omudhimba ngoka ogwa ka adhika gwa ekelwahi miihwa.

Sebulon Ekandjo



Ongundu ndjika oya adhikile megumbo lyomusamane David Kamanya, moka yu ulukilwa omudhimba gwoshikulo noya mvumvwa moombinzi dhasho. Meme kondjeni ota ti, oshikayiwa she shono, osha zile po kaashi shi we okutalwa oombinzi.

OMBELEWA YA ETAAN NATANGO MOONKUNDATHANA

ONGWEDIVA: Oshigongi shotango shokomumvo shehanganotumo lyaanangeshefa muNamibia (ETAAN) osha li mOngwediva 16.3.1988. Nkene taku monika ombelewa yowina yehangano ndyoka, osho sha li shimwe shomiikundathanwa ya simana yoshigongi shoka.

Pauyelele mboka wa gandjwa kuAmushanga gwEhanganotumo, ndyoka omusamane Werner Namgongo, ompumbwe yombeleva yowina ndjono inaayi yamukulwa natango, oya kwata moshipala iinakugwanithwa ya simana yehangano ndyoka, lya li na oku yi ninga.

Shimwe sha simana shomiinakugwanithwa ndyoka ta dhiladhila, okwa tomona elongekidho lyaailongi mboka ye na okumonenwa uunasikola kehanganano ndyoka.

“Sigo onena omaindilo ogendji otu ga na momapeko ga mwena, twa nyengwa okuya nago komeho omolwombeleva yaa po.

Osha fa oshinima tashi gandja onkumwe mpaka kaaleshi okupulakena aanangeshefa ya nyengwa okumona ombelewa.

“Etsokumwe lyuunene wombelewa mpoka taya kala yi thike, osho ashike ehanganano lyandje lya nyengwa,” osho omusamane Namugongo a yamukula epulo. Ashike okwa gandja wo euvaneko kOmukwetu, nokutya shoka otaye ke shi kandula po mbala.

Moshigongi shoka Ehanganano olya hogolola okangundu kowina kokugandja omayele miilonga nomiinakugwanithwa yehangano. Omadhina gatano oga tumbulwa moka mu na

mbaka taa landula: Frans Iihuhwa; Salomo Amadhila; David Haufiku; Abednego Nghifikwa naMelkisedek Nkandi.

Ehanganano ndyoka li li mewiliko lyomunashipundi Frans Indongo (Aupa) moshigongi shalyo shotangotango muKotoba 1987, olya li lya holola omadhiladhilo galyo kutya monakuyiwa otali ka sa oshimpwiyu okumona Anaamibia iilonga noowino dhokutseya iilonga.

Olya sa oshimpwiyu opo iilokolomwa yaantu ngaashi omahangu noontanga yi monenwe ompito yokulandithwa po, peha lyokutukilwa miigandhi.

Sebulon Ekandjo

~~~~~

**Kafuma Matilda Shapaka, Ohainete**  
7.1.1988. Okwa thigi ko omusamane gwe noyana 9.

Paulus Shapaka  
Oshitutuma

## Eumbo lovakulupe meongalo Ongwediva



Ei onduwo yokutekulila ovakulupe voshiwana oyo ya tungifwa keongalo laNgediva.

**Kalunga na hambelwe eshi ha wanifa omadiladilo ovanhu. Eongalo Ongwediva ola kala nediladilo opo ku tungwe eumbo lovakulupe. Ediladilo eli ola li la holoka mokangudu kovadiakoni nova li ve na epulo kutya; “Ovakulupe natu va yakule ngahelipi hano?”**

Omanyamukulo okwa fa itaa wana nande tu na omudiakoni meongalo nosho ovakwafidiakoni momikunda. Okangudu koudiakoni oka hololele Eleloongalo ediladilo eli opo ku talike osho tashi dulu okuningwa po. Eleloongalo ola li la nyengwa osheshi omadiladilo omanene. Okangudu oka holola kutya:

Ngeno ku tungwe eumbo lovakulupe omo tava dulu okuyakulwa nawa notava tulumukwa omafiku amwe. Notaku ningwa ngaha omalufu opo nomudiakoni yo oo ha uhala momalweendo efiku keshe, a mone ngaa ompito okuyakula ovakulupe meumbo la tya ngaha nomafiku oo yee ota fuda po olweendo lefiku keshe.

Nande ediladilo eli la ninga edula konyala inali ya moilonga eti 20.1.1985 oshoongaleongalo osha tokola opo ku tungwe eumbo lomadimo atano manga. Nokwa tokolwa opo omukwaneongalo a kolekwa a yandje R20.00. Kakele

kaasho, opa li yoo etokolo omulumenhu keshe a folome ngaa eedopi 150 ile R3.50 manga oomeme R3.00. Eongalo ola hovela oilonga kanini nakanini fiyo sha ninga unene.

Omolwomaudeko a holoka movakwaneongalo, eshi kwa li ku na oo e shii okupandulwa eshi a folomifa eedopi, 10,000 nokwa li yo a longifa oshihauto mokweeta oitungifa nokupangela yo oikonde yoitenda omolwaye otwa dula oku tunga eumbo lomadimo omulongo.

Ashike osha li tashi pula omafatululo mahapu nosho okukundafana novalineekelwa. Otwa mona omakwafo manene kovanangeshefa vetu ohatu va pandula unene. Hano ovanangeshefa vomoshiwana haveongalo. Ohatu pandula ovakwaneongalo ovo va li ve udite omhumbwe ei.

Otwa li yoo twa mona omakwafo komahanganano amwe pondje nomukalo ou otwa tunga eumbo lomadimo omulongo, omo mu na omadimo 6 okunangala, keshe limwe li na eembete nhatu, kakele kalimwe olo li na onhele yeembete mbali. Otwe shi fulula ko, otwa ya konyala pexulilo twa mana okutunga.

Efiku 13.9.1987 ola li efiku lehafo omo mwa li

eyeululo leumbo eli okuyeelulilwa li ye moilonga. Paife ola yelululilwa oilonga nohali kala ovakulupe 17-18. Nohali ifanwa “Eumbo lovakulupe Ongwediva ELCIN”. “Kalunga efimano li ha ninge letu, ndele li ninge ledina loye.”

Eumbo eli ola diladilwa kovakwaneongalo veongalo lomOngwediva, nola tungifwa kuvo. Ashike eumbo eli olovakulupe voshiwana shetu aveshe. Meyeululo lalo eshi la ya moilonga otwa tambula ovakulupe va dja keembinga neembinga. Nomakwafo oo twa mona manene manene, okwa dja keembinga neembinga.

Apa ondi na eindilo koshiwana kutya otwa pumbwa eenhele da tya ngaha, moshiwana, opo ovakulupe vetu tu va yakuleni va kale ve udite ouumbo momafiku avo oukulupe. Va mone nokutya navo ovanhu, ova valulwa ngaho, ove shiivike ngaho.

Okwa li ku na oshinima tashi hepeke okangudu koudiakoni meongalo eli, osho ovakulupe kopenzela, otava undulwa otava uhala nenota nondjala, otava fi outalala ile omutenya.

Paife vomomudingonoko weongalo eli okanhaili ashike, pombutu pa kalwa, va shuna komaumbo. Kufye ovo tu uditeko, tu yakuleni ovakulupe vetu. Pamwe omolwavo taku ka tiwa onda li nda fya ondjala ndele inamu pa nge okulya nda li olutu longaho ndele inamu djaleka nge. Mat.25:41-46.

“Omwene, efimano li ha ninge letu ndele li ninge eledina loye.”

**H.Dengeinge**

+++++

**Omasiku 19.1.1988, Kalunga okwa zimbula kuku Ndeshiteelela Ndashina Homateni, momukunda Omundudu mOkalongo. Okwa thigiko oyana 4, naatekulu 21 naatekulululwa 4.**

I.K.Jeremia  
Okalongo

# EPANDULO KOOKUUME AYEHE MUNAMIBIA NOKOMBANDA YOMAFUTA

Aamwameme muNamibia alihe, kombanda yomafuta naunene moshitopolwa shokuumbangalantu woshilongo shetu, otandi mu nyolele ombapila yepandulo lyowina omolwaayihe mwe yi tu ningile omazimo getu unene ngame naamwandje pethimbo lyoosa dhomuholike gwandje nomuyakul gwoisigwana shetu meme FIINA NDAMONO SHANGHALA, ngoka a hulithile pamwe nooyakwawo oyendji metopo lyomboma eti 19.2.1988 mombaanga yomOshakati.

Aamwatate aapangi, aakalelipo yoongeleki, aasita, aalongi, aanangeshefa, aaimbi, aanona, aanaskola, oomeme, ootate, ootatekulu, aanillonga, aanambelewa, aahingi, aanapoosa, aanahambo, aaniiketha yomidhimba, aagalikaneni, nosho tuu aahekeleki amuhe mboka mwa li mwa thigi po omagumbo nomwi limangulula kimpwiyu yeni opo mu ye mu tu hekeleke pomasiku goluhodhi: KALUNGA NE MU YAMBEKE!

Ando okwa li tashi vulika, ando kehe gumwe otandi mu nyolele ombapila yepandulo, ihe sho itaashi vulika, ndjika nayi mu gwanene. Kalunga ngoka ha uvu ko noha mono ko meholamo ne mu fute.

Aapangi aaholike, eyakulo ndyoka Kalunga a li e li tu pe pamwe nomuholike gwandje mokati keni opo lya hulile mpoka. Tangi kontopa yuukumwe ndjoka twe yi tungeni pethimbo lyomuyakuli gwani. Sho ndaa na sha oku mu futa, ONDA HALA OKU MU PANDULA NOKU MU GANDJA MOSHIKAHA SHAKALUNGA NOKOOHAPU DHESILOHENDA LYE (Iil.20:32).

Aanamibia aakwetu, eso lyooyakwetu ya sile moshiponga shomboma ondi lwete otatu li taambeni li kale efikilondjambo lyemanguluko lyoshilongo shetu. Aluta Continua! Iita yeitalo nayi tsikile sigo Namibia alihe lya manguluka.

Omumwanyoko meltaalo  
J.K.Shanghala

%%%%%%%%%

Victoria N.Hlonga, (72) 2.2.1988, momukunda likologo, Othika mUukwambi. Okwa thigiko oyana 9, naatekulu 32.

Hilma K.Nekwaya  
Ogongo



## Ehepu lomwashe

Da dja kep. 3

moshiponga eshi twa mona omafiku 19.2.88, kashi fi chalo laKalunga.

Ou omutondi a longifa eenghono daye ngaashi naanaa efiku linya Satana a pewaa eenghono kuKalunga, kutya inda u ka kume olutu lwaJob, ndele omwenyo ino u kuma. Nafye yo penya pombaanga otwa dengwa kuSatana, ndelenee ava tu lyeiko inatu dimbweni Kalunga ketu. Osheshi omutondi okwe tu makela a tale ngeenge ohatu di mo mondjila yaKalunga, fye tu ye kuye tu tye; mwa ti Kalunga oko ngoo e li, fye hatu hepa ngoo ngaho?

“Aaye, osho hasho. Djala ouladi mOnamibia yoye mwene, yange mwene, yetweni twe i pewa kuKalunga tu kale mo e tu shitila mo tu longe tu li keelele tu likole ouwa aushe wetu twe u pewa kuKalunga.”

Ndele dimbulukwa okulya oiimati yaNamibia nokuhambela Kalunga. Ndele ou ta kondjifa Namibia mu tala ongomutondi woye, ongota longo kondje yehalo laKalunga.

Kunye amushe Ovanamibia, onda hala oku mu tumina eimbilo 400 mOmaimbilo.

## Omahekeleko koshigwana

Otandi gandja omahekeleko kaakwashigwana ayehe mboka ya thigwa po koonakusa yawo mboka ya si moshiponga shomboma mOshakati, kutya inaa nika oluhodhi, saawe. Omuwa mwene ote ga theta po, tsikileni nokugalikana.

Aamwameme mboka mu li moombete dhuuwehame omolwoshilongo shetu shoka shi li muupika, dhimbulukweni Kalunga nomuuehame. Galikaneni mwaa na ezimbuko.

E.N.Tulonga Vatitifa,  
Oshitutuma

\*\*\*\*\*

Aakwanezimo amuhe mwe shi ningilwa, Kalunga na hekeleke ongeleki yaELCIN. Nando otu shi ningilwe ootaali itaa sindwa kilonga yomilema. Kalunga komahekeleko agehe ne tu hekelekeni. Eps.142.

Marta Nd. Imene  
Elombe

\*\*\*\*\*

Nando twa topokeni palutu, pamhepo otu lyeni pamwe moluhodi. Joh.11:25. Oluhodi eli natu li yandjeni kOmwe oye omuhekeleki wetu. Inamu tla ou ta dipaa olutu, ndele natu tileni ou ta dipaa omwenyo.

Ongudu yovakulukadi  
Ovenduka

\*\*\*\*\*

Otwa dhengwa ondhimbo onene kuKalunga 19.2.1988 muNamibia, moka oomwenyo dhaamwameme oyendji dha kanene mo. Otatu alelwa komushigakano ku SA. Hlonga kehe tii longwa muka iwinayi, aniwa oyaSWAPO ngaa. Ihe yaye SA nkene a ningi omufudhime nokwa ningi emwanka lyaNamibia.

Shivute Aune  
Oshakati

\*\*\*\*\*

Moluhodhi nduka nando tu lyaathaneni kokule, pambepo otu lyeni pamwe. Kalunga ngoka a shiti aantu ayehe, okulwete shono taa ningilwa. Tu galikaneni ashike twaa na ezimbuko, ote tu uvile. Eps.27:4,5.

F.K.Amukwaya  
Swakopmund

## Ekundo kOngeleki

Dha za kep. 1

oyindji. Evi ndika olya ningi lyetu, oshoka olya pula oomwenyo dhaaholike yetu oyendji.

Nena mo FM omwa imbwa eimbilo: Iita nando oya hwama, tu indileni Omuwa li manguluke. Paulus ota ti: Otatu ende nokuhumbata aluhe eso lyaJesus momalutu getu. Oshoka otse mboka tu na omwenyo, otatu gandjwa omasiku agehe mokusa omolwaJesus, omwenyo gwaJesus opo gu holoke monyama yetu ya nika eso.

Hugunina aamwameme otandi mu indile natango mu tsikile noku tu galikanena. Nangame wo osho te ningi. Tu galikaneneni omaluvalo getu ge li kombanda, opo oshilongo shi manguluke.

Nandi hulithe ekundo lyandje nepopitho limwe: Konima yiikogo otaku ka holoka uyelele wetango. Konima yokufu othinge, konima yomvula yoshikungulu, uutamvula. Oshike sha kola nena?

Konima yuusiku otaku ya ongula, ndjoka tayi ka hanagula po omilema. Konima yoluhodhi lwomwenyo nomahodhi otaku ka holoka ombili ontalala nevluluko.

Josaphat Shanghala

## OU SHI SHI TUU OMAFUPIPIKO NGAKA?

- DELIC = Deutch Evangelical Lutheran Church
- ELCSWA = Evangelical Luth. Church in South West Africa
- CCN = Council of Churches in Namibia
- UELCSWA = United Ev.Lutheran Church in SWA
- ELCIN = Ev.Luth. Church in SWA/Namibia



**Omuhakuli mefano eli ota hakula umwe womwaava va yehamekwa moshiponga dhoboma**

**ONGWEDIVA, Owambo: Omilungu dhaapulakeni oyendji mefumviko lyomusi gwoboma yaShakati, Anna Dumeni, odha li dha kukuta kehaluko sho ya pulakene omauvaneke gaNgoloneyandjayi gwa SWA, omusamane Louis Pienaar. Efumviko lyomwanakadhona gewomumbisofi Dumeni, Anna, olya ningilwe momawendo gaNgwediva 12.3.1988.**

Omudhimba gwe ogwa langekwa olwaamba nombila yoonakusa ooyakwawo moshiponga shoka, ndjoka ya pungula meni lyayo omidhimba 17. Ombila ndjoka onene muNamibia alihe, oya talwa koshigwana kutya oya za moshiningilawina ngaashi ndjoka ya ningilwe McCassinga 1978.

Momatumwalaka gehekeleko ogendji ga leshwa ngoka ga zile koombinga adhihe dhuuyuni nomeni lyoshilongo, omwa leshwa wo ndyoka lya zi kuNgoloneyandjayi gwa SWA, ngoka a holola oluhodhi lwe, nokwa gandja euvaneke kutya omutege gwoboma a landulwe sigo a monika nokugeelelwe iilonga ye.

Esiku lyoboma ya topa mombaanga yaShakati 19.2.1988, noya ehameke aantu ye vule 90 noyendji ya sa, etanga lyegameno lya SA olya tseyitha mbala, kutya SWAPO oye omunandjo moshinima shoka. Etanga olya tseyitha wo mRadio, nkene lya futile SWAPO eyono ndyoka, sho lya yi muAngola nokudhipaga papopyo lyepangelo lyaAngola, aakwashigwana yaAngola.

Euvaneke lyaNgoloneyandjayi, aayonaguli nenge omuyonaguli a ka landulwe, natango noku monikwe, olya gwedhele komaipulo ga kala maakali yomOwambo okuza petopo noinaaga pewa natango eyamukulo.

Aantu mboka ya dhipagwa muAngola ketanga lyegameno nokwa tiwa okufutula iilonga

## OVA SHANGELA NGE TAVA TI .....

### OIMALIWA YOUKAKUNYA EYAMBIDIDO LOMAONGALO NOVANAFIKOLA

Onda hala okunyamukula ombilive yaShekutaamba Nambala, omwiilongi. Kaume Shekutaamba, ame ou nda nyola ombilive ei nghi fi kakunya, ashike onda dala ekakunya.

Ongeleki yoovene kai fi eumbo lomufita, ndele eumbo laKalunga. Paife owa hala okukelela mo ovana vetu. Ongeleki kai fi ngudu yopolotika, opo u kelele ko ovana vetu, shaashi inava ama oku wa ama. Ame ongomudali, omona wange mongeleka omu nde mu shashifila omo ngaa e na okukolekelwa, yee omo e na okushashelwa.

Ovana vetu ova mana okuumba eengalo nokufuta omido omo mwa dja oimaliwa oyo we ke li hongifa. Ongeleki ihai anye, paife ove eshi u wete u li pokumana okulihonga, oto va hongaula. Teelela u mane elihongo loye to uya u tote ongeleki yoye yoshiveva, fyee ovana vetu itave uya ko nande, nongee tva udu ve uya ko, ohatu va ile ko, ndee omongeleka ngaa omu va shashelwa, omo ngaa ve na okukala.

Okushashiwa polotika itaku imbi ovana vetu mouhamba waKalunga. Eshi nee emanguluko loSWAPO li kwetiwe moshipala kwaava ve he shii polotika, nyee ava mu i shii, ouwa weni openi

## ETUMWALAKA LYANGOLONEYA MEFU- MVIKO, OLYA HALUTHA PEHA LYOKUHEKELEKA

yoboma yomombaanga, oya sile shike ano?

Oshigwana osha kala nomaipulo gamwe, kutya omolwashike oondjila inaadhi kondekwa mbala konima yetopo ngaashi hashi ningwa pomathimbo gamwe uuna kwa ningwa sha shi limbilika?

Peha lyokukonga omuyonaguli neitulomo, omolwashike ano ondoolopa yAatiligane ya ka hungila esiku ndyoka meytho lyonyama, metifa lyoshinima oshitalala inaashi monikila natango omuningi gwasho?

Omolwashike ano oshitopitha oshikwawo tashi topa esiku ndyoka mondjugo yolusheno lwoshipangelo, ihe itashi halutha nando noitashi popiwa pombanda? Omolwashike iinima mbika inaayi eta nando ehaluko kaAatiligane, ngeleinaku tseyika omuningi gwayo?

Omolwashike sigo onena aapolosi itaa holola nando puuyebele chokololo lyeshina lyokunyola omainyengo (Bank video) mombaanga gesiku ndyoka yo ya kuthe oshigwana momalimbililo?

Omapulo ngaka nomakwawo ogendji, oge li moshigwana kaage na omuyamukuli.

Oshituthi shefumviko lyaAnna (Kandaha) Dumeni, osha li sha kalwa kaantu taa tengenekwa 1,200. Oyendji sho yu uvu ekundo

lyaNgoloneya, yamwe oya tameke okwiisimpa, yamwe oya ti; oshihwepo ando okwa li inaa popya sha, manga yalwe ishewe ya ti; ne endebele ihe e tu pe ngoka e shi ningi tu tale.

Moshituthi shoka, ngaashi wo mwaashono sha li sha tetekele 27.2.88, aapopi ayehe oya li taa ulike omunwe ku SA, ngoka a mangela evi lyaNamibia muukoloni we notashi etitha omaso gaa na omutse nondungu. Omupopihapu gwOngeleki yaKatoolika kaRooma, okwa indile SA a zimine Namibia li ka lelwe ishewe kuyalwe, oshoka ye a vulitha.

Omulalelipo gwOngeleki onkwaEvangelipaLuther mUshimba, yAaluudhe, omusita George du Toit, okwa ti SA na gandje koshigwana shaNamibia emanguluko, ndyoka a ti, kutya oli li oshipewa shawo kuKalunga.

Omadhiladhilo ogendji moshitopolwa shika sholugodhi, kage na ohokwe momudhipagi a monikwe, ngaashi omukalelipo gwa SA, muNamibia tu uvaneke. Esiku kehe oshigwana otashi dhipagwa montaneho nenge meholamo kuwalye. Shoka sha halika mevi ndika osho SA a gandje oshapi yomweelo gwokupita memanguluko, Aanamibia ya hogolole yo yene ngoka e na oku ya lela.

### Sebulon Ekandjo

#### OLUHODI PEFIMBO LOUDJU

Oluhodi la koloka  
Ngodula yeemhawe la pauka  
Mutima tali denge  
Mwenyo tali tataula  
Dilaadilo ongomume  
Taa kana momutima.

Mwenyo tau findilwa  
Pedu ongora tatullwa  
Malimbililo taa hepeke  
Madima tau tulaatula  
Peni oudjuu u dje?  
U shilve u hepeke omutima.

Eteelelo la kana  
Oudjuu auke u wetike  
Mahodi taa ponhonoka  
Momesho taa tikatika  
Shike shi lotife  
Ehaluko linene lomutima?

Kristus okwa fila  
Onyanga inene yomulunde  
Onghee mwenyo nyakukwa  
Oudju nouyahame dimbwa  
Eteelelo liwa u li kwete  
Ombilli nehafo lomutima.

Atty L.P.Haininga  
Eenhana

okwa li okukala nomakakunya oveta ngeno inaa fininikilwa yoo ooHaihambo, elenga lokOhakafiya?

Kutya osho ovana vetu tava longele moukakunya otashi fyuululwa kulyelye? Ove eshi we ke lihongela oko, otashi ka fyuululwa yo tuu nande okunyoko? Odjapo oyo wa ka tala oko, ei ya imba uye koPLANA, nayo ihai fyuululwa. Ndee fyee ovana vetu ovo tava futile neendenge davo ofikola, ngaashi ngoo hava futu oitumulongo yee-ndjabi davo omo yoo mwa dja obusary yoye.

nee, nyee tamu nyengwa okupondola sha mowaava ve he shii sha? Meekamba domakakunya owa udifa mo lungapi? Ovana vetu omwe va ekelashi?

Ngee nee oukakunya mEembibeli deni ou li mo taku tiwa oulunde, hano nyee omu lilepo ovayuki? Jesus ina endela ovayuki, ndelenee ovalunde. Yoo nongeleka oyaKristus ngaa. Ngee nyee ongeleka yeni oyaSWAPO, tu lombweleni fye novana vetu otwa hala tu kale mwaai yaKalunga.

Ovana vetu ihava keelele oilyo yaSWAPO mongeleka, ngeno naave iho ende mo, nongee ohava kongo mo oPLANA keongalo leni, omolwoye ou wa halela mo ashike oPlana. Nokuli ovana vetu ohava u hala tava tondauka moixwa tava nomo oihuna, ngee omo hamu i holeke omo, ndee nani ove shi mona mo, onawa nee. Eshi to ti edina ekakunya edina lii, laavo hava longo omunyonena, oshikulo loo edina liwa kuove?

Ovakwaita aveshe ohava dipaa nokuhepeka ovo inave va ama. Ove ino pumbwa ekakunya shaashi ohali amene ovanhu koSWAPO, ove oSWAPO. Ovanhu omo ve li omu va pumbwa aemeno, eeministeli nominalenga aa e na omaumbo haa ponokelwa koPLANA omo di li omu hadi nangelwa natango.

Ile owa hala okutya ooKautwima, Kalangula nooVictor Weyulu ove a fininikilwa? Ngeno

Tala kepanja tali landula

# Ova shangela nge tava ti . . . . .

Nde oto ti kutya nava efe oilonga va hepe, va djale oikafa? Oluhepo oliwa ove ino ya kohambo u ka djale oikafa ngee eputuko ino li hala? Eshi ngo inamu hala vakweni ve mu fe ngaho?

Owa ti eshi shi na okulwifwa haukomonisi, ku wete ove eshi ino ya mo mwaava tave u lwifa? Ove naave oto u popile. Owa hala nee eshi la manguluka ove opo to u lwifa ngee ito tu kumwe nao?

Omakakunya itaa popile okatongotongo, ngeno okwa li tae ka popile, ngeno ihava holola okuuda nai kwavo kwomoilonga. Osho owa hala okutya voo inava dja mo nee? Ongaashi ngaa ove wa ama koSWAPO ndee ino fiya po nee oshilongo. Okatongotongo aka ho uhala to popi oko ngaa wa kalela.

SWAPO haye aeke ta lwile emanguluko. Eengudu dopolotika omo di li omu tadi lwifa okatongotongo. Ile osheshi inadi ya kombada? Ngee kombada oko okweeta po emanguluko, ove ashike nee ino ila yo? Nongee osho ngaho ngehe va ya nalenale oli li nee peni? Oita ashike ya ka shongwa. Ee CDA, DTA, nooSWANU nadi-kwao, omo di li omu tadi kondjo komukalo w-ombili itapu tikile nande oyo ohonde yomunhu.

**Ku Lavinia Nakwalumbu Windhoek**

## N.T.VOIVO, OSHAKATI A YAMUKULWA

Momukwetu gwaNovomba 30.1987. Omakakunya mokati kaantu nonkalo yago ngaashi wati kewatelo lyOngeleki mUulalelo Uuyapuki, efumviko momawendo gegongalo, inaga kala mokati kaantu naga ningilwe oondjindikila, ngaashi S.A. ta nigilwa.

Sho to longo aasita yomagongalo ngaka, owa dhiladhila kutya iimaliwayomakakunya oyi na oshipwe ndishi omolwedhipago? Mowambo omu na oondjugo dhi na iikolitha hamu landwa kaantu. Omunastola ngono ohaa yoolola ngele a hala okugandja iigandjwa ye kegongalo, kutya mbino oya landwa iikolitha i tii yi fala ko kegongalo?

Oto ti ngiini kuyo Toivo? Lesha Gen.14:20 Abraham he yeitaalo. Omukwiita, omukwaniilwa David okwa li ha yi kiita 1 Sam.18:5-7. Ekakunya, omukwaniilwa nguno David oye a uvanekke a tungithe otempeli yaKalunga ngaashi ya tungwa shili komwana Salomo. 1 Aak.6:1-4.

Omukwaniilwa David oye a shanga omapisalomi konyala agehe, nando ngiika oto ti kakwa li ta kondjiitha oshigwana she ngaashi aawambo taye shi ningi.

Toivo, tu yeni koshitaafula tu paathaneni ombili ngashika aamwahe ya Josef naEsau Gen.33:1-16. Tu paathaneni ombili oshigwana shetu. Hakutya aantu itaa kuthathanapo, aantu nonale osho ya li haa ningi Iil.15:39. "Omuntu omukulu oku na okuninginithwa esiku kehe."

Tya! iita, iita nayi hule, ihe otayi hulithwa po kombili moonkundathana. Aantu naaye pamwe omukuluntu SWAPO na S.A. opo okatokolitho 435 ka ye miilonga, ku ningwe ehogololo lyopaushili. Ngele otaku kala owala ehilulula kombinga yomunyenge. Toivo, itashi piti. Ondjembo itayi eta ombili, otayi hanagula owala

oshigwana shetweni Toivo. Aakulu yonale oya tile "Omukunda ombili oshilongo ompangela."

Ngame opolotika kii yi shi, opolotika yandje okulesha oohapu dhaKalunga nonda hala shili ndi itedhulule ngashi ngoye Toivo wi etedhulula.

Mpaka onda hala oku ku pula noku ku lombwela oshinima oshipe sha ningwa 1988 muka mu BN 101. Oya taamba aakadhona noomeme. Aakwiita ye li 26, ya za momagongalo getweni Oniipa, Onguta, Oshitayi nokUushimba. Otaa ningwa ngiini sho yamwe oya yalekwa kaantu yaashi aakwiita?

Otaa ka hokanenwa peni mbela, ngele taa ka pulwa kaamati yawo ya hokanwe? Mo monegeleka omo mono taku ti itamu yi omakakunya sho nayo otaa yalulilwa komakakunya, epulo? Pamwe oto ti kandi shiwo.

Toivo Omuwa Jesus ota ti ge etheni ga kokele mumwe manga omuteyi te ya. Tse oshilonga shetu okuuvitha eitedhululo hakupangula omuntu omukweni, manga mwene gwepangulo te ya. Ehol.22:11-12.

**S.S.Itewa Ondonga**

## EINDILO KOOKOMITIYE YOMOWAMBO

Otandi indile kookomitiye dhetu aasimanekwa shaa tu oshitopolwa shaWambo mu na ookamba dha-South Africa dhi ye le mo, dhi shune hoka dha za. Ookomitiye tuleni uukuni kumwe.

Shaa tu oshitopolwa shaWambo namu ze omukulu-ntu gwasho e tamu ningi oshigongi kombinga yomutondi ngoka e li ponto nangoye. South Africa alikana tse otwe ku vulwa.

*Nekwaya P.A.Nekwaya Swakopmund*

## AANYOLI YIIFO AASI-MANEKWA

Mpaka otu li po tu vule yahamano, tatu lesa oshifo shOmukwetu shaAuguste No.30/87 pepandja etimugoyi. Otatu lesa okaleshwa ke li koho yoshipalanyolo:

### "OMAKAKUNYA NEEPAPETA OVO AVEKE TAVA YAMBIDIDA EPANGELO LOUKOLONI."?

Pakuholola omadhiladhilo getu paufupi wetu, otatu pula aaleshi ooyakwetu naanyoli yiifo ye tu pukulule, nenge ya koleke edhiladhilo lyetu.

Otu shi, shi ngaa shili kutya omuntu okwa pumbwa okuuva koombinga adhihe, kutya tse ongaaholimbili (aakondjelimanguluko) omadhiladhilo getu ogeni, nosho omadhiladhilo gomakakunya naadhipagi yongundu yEtango ogeni.

Tse aaholimbili edhiladhilo lyetu olyo ndika, kutya iinyokwa yimwe yaakolonyeki naatondi

yoshigwana, inayi pumbiwa momakutsi gaakwashigwana, oshoka otwa tala kutya kayi na sho tayi tungu. Ethimbo lyongashingeyi olya pumbwa owala oshili yoyene ndjoka tayi tungu oshigwana.

Aanyoli yiifo, naaleshi ooyakwetu, ngele otwa puka, tu pukululeni, ngele otu li mondjila shi tu hololeleni.

*Peha lyayahamano*

**H.N.Ndagwedhapo Oshakati**

## KUUME NOMUTONDI NAA YOOLOLWE

Omumvo 1987 gwa yi. Mugwo Aanamibia otwa li twa tegelele mu valwe esiku lyemanguluko lyoshilongo shetu. Nando ongawo mugwo omahepeko, omadhipago, omakwato gaakiintu koonkondo, omatilitho gomaludhi kehe, ehanagulo lyoongeleki noosikola niinyanyalithilonga oyo ya kala ngoshikwiila shesiku kehe koshigwana oshithiminikwa shaNamibia.

Omumvo 1988 ogwa tameka. Iilonga iwinayi ondi itaala oonaku yi longo otaa ka tsikila. Uungundu woopolotika dhomeni lyoshilongo nawo onkee ngaa tau ka tsikila nokupopya iifundja mokwiindila emanguluko, nando oyo taye li yi moshipala. Shigwana, ethimbo olya pya, wu tseye omutondi nakuume koye.

Eluwa lyemanguluko olya tenda. Shi tseye nawa kutya uungundu mbuka owa totwa owina okulelepeka ekalopo lyepangelo lyokatongo lya SA. Nando taa uhala taa popile omakakunya muuwinayi, iifundja inaa gama kutse. Omatompelo goku shi tya ogo nga:

— Omolwashike ye na omakakunya momagumbo gawo?

— Omolwashike haa ningi iigongi noshilongo ashihe nokufa taa tidha omakakunya, ihe iigongi yawo shivalelwe yi halakanithwe? Hamba omakakunya ngoka ga halakanithile oshigongi shoSWAPO 30 Nov.1986 inaga za ngaa kOwambo?

Shigwana, oto ti inaga thiga taku ningwa iigongi kOwambo? Ipula nawa! Omolwashike mbika inaye yi halakanitha?

## EMANGULUKO OTATU LI MONO NGIINI?

Atuheni Aanamibia tu imangeni kumwe, tu kondjitheni omutondi. Ondjala yesiku limwe ihayi li omuntu. Aanamibia otse lela twa kwata wo emanguluko lyetweni.

Otatu yi muukakunya molwiimaliwa aniwa. Iimaliwa tayi mu ningi oojudas mokulanditha po oshigwana sheni yene.

Tseyeni nawa kutya iimaliwa tayi zi mombinzi kayi na elago lyasha. Zeni muukakunya aawameme, etheni mbulu, omunakatongo okuza kevalo. Nando mu li muukakunya umwe, ndhindhilikeni iinima mbi:

— One ngaa tamu si  
— One ngaa itaa mu kotha nawa mookamba  
**Tala kepannja tali landula**

# EHIIYO

## Kelongelokalunga lyuukumwe waanashilonga.

**EHALA:** Osaala yaNgwediva yaELCIN.

**ESIKU:** 17.4.1988

**ETHIMBO:** 10.00 gwongula

**YA TEGELELWA:**

- Aanangeshefa naayakuli yawo
- Aapangi naayakulipangi
- Aanashilonga yalwe wo inaa tomonwa mpaka.
- Aanashilonga yoongeleki dhilwe wo oya tegelelwa.

**Ila tu kaleni kumwe melongelokalunga lyuukumwe.**

**Omuhayi:** Prince Shiimi  
naWerner Namgongo

- One ngaa aalongi yiilonga iidhigu
- One ngaa tamu mono iihuna
- One ngaa aathigona
- One tuu ookaafala

To kondjo u ninge omupika, mukweni Mbulu a ninge omuhona? To kondjo u taneke omwaalu gwaMbulu, gwoshigwana shoye to shunitha pevi? To kondjele u ithanwe kafala? Makakunya lundululeni ileni kutse tu kondjitheni ukoloni. Shigwana wo nuumvo tu tokoleni ekondjo. Namibia otatu li mangukuleni owala ngele twa tokola mbika: Okuhepekelwa emanguluko, oku li kwatelwa noku li sila wo ngele oyo ondjila yi li po.

**Finnie yaPetrus**  
Ombalantu


## Ya dhigininwa natango

- |            |                                          |
|------------|------------------------------------------|
| 1985       | Amutenya Ashipala, Okatana               |
| 3.4.1987   | Martina Mulondo, Katima Mulilo           |
| 3.7.1987   | Abner Shikesho, Okamule                  |
| 7.10.1987  | Jason Angula, Windhoek                   |
| 26.9.1987  | Edward H. Haipito, Okatana               |
| 14.1.1988  | Ananias Uutoni, Othika                   |
| 17.12.1987 | Joseph Dumeni, Engela                    |
| 20.1.1988  | Lukas Nghipandulwa, Ponghosi Sec. School |
| 19.1.1988  | Daniel Ismael Namwandi, Odibo            |
| 19.1.1988  | Julius Kapuka Okatale, Odibo             |
| 20.1.1988  | Delfina Abraham Okatale, Odibo           |
| 19.1.1988  | Shipandeni Mupolo, Onyaanya              |
| 1988       | Shipanga Shivute Ampole, Uukwaluudhi     |
| 19.1.1988  | Johannes Nekongo,                        |
| 20.1.1988  | Immanuel Shivolo, Okando                 |
| 20.1.1988  | Salom Uusiku, Okando                     |
| 21.1.1988  | Ndipala Nghiyalahamba (60) Odibo         |
| 26.12.1987 | Silas (Kamule) Kandenge, Okahao          |
| 14.1.1988  | Gideon Kampulu, Ogongo                   |
| 20.1.1988  | Heikki Shililifa, Nakayale               |
| 19.1.1988  | Jason Shikomba, Oshimwaku                |

## ILA U ILANDELE

Ohatu landitha uukasete wi ili nowi ili womaimbilo gaakuluntu nogaanona. Ohatu thaneke wo uuthano wopaspoorta, noto u mono pethimbo ndyoka. Auhe 4 ohau kotha R7,00.

**Endelela ano u ilandele mbika mombeleva ya**  
**AUDIO & VISUAL**  
**mOniipa**



ESO

Lempi N. Abraham (63) 24.12.1987, a thigi ko omusamane gwe noyana 8, aatekulu 19.

Ananias I. Kadhila  
Ombogo

Kuku Johannes Ntinda Imene yaMutota (72) 2.3.1988 okwa thigi ko omuselekadhi gwe, oyana yaheyali naatekulu 14.

Moongo Aune Ndapewa  
Nehale Secondary School

Darius Filippus (60) 30.1.1988 muuwehame wethimbo efupi moshipangelo shaNandjokwe. Okwa thigi ko omukulukadhi gwe naanona omugoyl.  
Johannes Samuel  
Eheke

Tatekulu David Nashidengo (80) okwa mana owenda waye 11.2.1988. Okwa fiya ko ovana vahetatu, ovatekulu (25) novatekululwa 9.

Ndapandula Nd. Nghiwewelekwa  
Engela Secondary School

Meeckulu Maria Nd. Nakadiva (57) 7.2.1988 momukunda Eengwena mOukwanyama. Okwa fiya ko omusamane waye novana vane novatekulu 20.

Isai N. Shingenge  
Onamishu

Ndillimewawa Ndahepuluka yaShinyenga (82), Ohamukwa, Ohalushu. Okwa xulifa owenda waye 19.1.1988. Okwa fiya ko omushamane waye nounona 9.

Elizabeth P. Haimbodi  
Ohaukelo

Omumati Namushi Tobias L. Shikoyeni Othika 19.2.1988, okwa thigi ko yina naamwayina yatatu.

Shikoyeni Petrus  
Othika

Omusamane David Kapolo kaNantana (85), Onashiku Uukwambi 31.1.88. Okwa thigi ko oyana 12 naatekulu oyendji.

Demugwedha Dunga Nantana  
Oranjemund

Tate Jesaja Nandelnotya Akwenye (88) 3.11.1987. Okwa thigi ko omukulukadhi gwe noyana. Joh.14:1 - 21

Peha Iyaakwanezimo  
Victoria N. Katondoka

Kuku Maria Kandowa, momukunda Omalungwandjamba mOmbalantu, egongalo Ombundamiti okwa thigi ko oyana 8 aatekulu 27.

Bernadette Sh. Mundjele  
Omalungwandjamba

## O M U K W E T U

Oye oshifo shOngeleki Onkwaevangeli paLuther yomuSWA/NAMIBIA.

Ohashi nyanyangidhwa mOshinyanyangidho shOngeleki mOniipa.

Omukuluntu gwoshifo omumbisofi Kleopas Dumeni.

Amushanga gwoshifo omusita Sebulon Ekandjo.

Ondando yOmukwetu muNamibia naSouth Africa R6,00 komumvo.

Palwe muAfrica R10,00 nokombanda yomafuta R14,00 komumvo. Mondhila R17,00.

Oondando nomambesitelo agehe naga tumwe kOmukwetu, Oniipa, P/Bag 2013, Ondangwa, 9000.

ELOC PRINTING PRESS  
PRIVATE BAG 2013, TEL. (06762) 11, TELEX 56-3257 WK  
SWA/NAMIBIA